



Universitätsbibliothek Paderborn

Historiae Ecclesiasticae Pars ...

HISTORIAE EC||CLESIASTICAE PARS || PRIMA, QVA CONTI-||NENTVR ||
Eusebij cognomento Pamphili Cæsareæ Palæ-||stinæ Episcopi lib. 10.||
Eiusdem de vita Constantini magni lib. 4.|| Oratio Constantini magni ad
sanctoru[m] cœtu[m].|| Oratio eiusdem Eusebij in laudem Constanti-||ni
magni ad trigesimum ...

Christopherson, John

[Köln], 1569

De episcoporum contra Paulum epistola. Cap. XXIIII.

urn:nbn:de:hbz:466:1-29861

EVSEBII HISTORIAE

adhuc occultare, & obtegere moliebatur, tum ab illis, qui eius errorem & in Christum blasphemiam patefacere, & in apertum proferre omni studio elaborabant. Interea temporis Dionysius, cum iam decem & septem annis episcopatum Alexandriæ administrasset, duodecimo anno imperii Galieni, moritur. huic successit Maximus.

Quonam pasto Paulus, à quodam Malchione presbytero reprehensus, abdicatus sit.

CAP. XXIII.

GAlienus ubi quindecim annos integros gubernasset, Claudius imperator designatus est. Iste biennio percurso, Aureliano tradit imperium: Cuius temporibus, Paulus dux & author erroris, qui Antiochiae grassabatur, in postremo concilio episcoporum, numero prope infinitorum, contra eum conuocato, sui erroris & peregrinæ opinionis perspicue conuictus, & omniū iam consensu palam condemnatus, ab vniuersa & catholica ecclesia, quæ sub cœlo est, penitus exturbatus fuit. Ex quibus Malchion in primis, scholæ humanioris literaturæ, quæ erat Antiochiae magister, vir cum in aliis disciplinis disertus, tum in sapientiæ studio eximius, ac propter singularem fidei in Christum ingenuitatē presbyterii munere in illa ecclesia donatus, eum velut integrum dissimulationis euoluens, acriter coarguit. Iste enim disputationem contra illum instituens (quam id temporis à scribis celeri manu exceptam, & hucusq; reseruatam scimus) hominem animo veteratorio præditum, & fraude plenum solus præ ceteris relegendi vim habuit, & tanquam omnium oculis subiiciendi.

De episcoporum contra Paulum epistola.

CAP. XXIV.

OMnes igitur episcopi & Pastores, qui in concilio supra commemorato, erant conuocati, vnam communī consensu epistolam ad Dionysium episcopum Romanum, & ad Maximum Alexandriæ ecclesiam procurantem, nominatim conscripserunt: cuius exemplaria

ad om-

ad omnes prouincias miserunt. In qua quidem epistola & suum studium ac diligentiam in ea re positā omnibus declararunt, & peruersam Pauli hæresim, argumenta in ea refutanda, quæstiones quas ei proponebant, omnem præterea hominis vitam & mores dilucide exposuerunt. Eorum igitur voces ex ea epistola petitas, in præsentia memorie & posteritatis caussa persequi præclarum for-
tasse & commodum videbitur.

Dionysio, Maximo, & omnibus ubique in orbe terrarū col-
legis, Episcopis, Presbyteris, & Diaconis, & vniuersæ ac
Catholicæ sub cœlo ecclesiae, Helenus & Hymenæus, &
Theophilus, Theotecnus, & Maximus, Proclus, Nicomus, &
Aelianus, Paulus, Bolanus, & Protogenes, Hierax, & En-
tychius, Theodorus, Malchion, & Lucius, & reliqui omnes
Episcopi, & Presbyteri, & Diaconi, qui ciuitates & regio-
nes finitimas apud nos incolunt, & ecclesiæ Dei quæ apud
nos sunt, dilectis fratribus in Domino. Salutem.

Istis paulo post hæc subiungit. Scripsimus epistolas ad
episcopos, qui longiore locorum interuallo à nobis di-
stabant, eosque obsecrauimus, ut ad hanc lethalem &
perniciosa doctrinam curandam accederent: vtpote
ad Dionysium episcopum Alexandriæ, & Firmilianum
episcopum Cappadociæ, homines beatos & fœlicis cō-
memorationis: quorum alter, Dionysius scilicet, quanq;
neque ad erroris ducem separatim scribere, neque om-
nino eum salutare dignatus est, ad vniuersam tamen ec-
clesiam Antiochiæ epistolā misit: Cuius exemplar huic
nostræ epistolæ subiunximus. Alter autem, nempe Fir-
milianus bis hic accessit, & ea quæ à Paulo innouata
erant & excogitata peruerse, quemadmodum cum nos,
qui aderamus, & scimus & testificamur, tum alii com-
plures qui eiusdem rei nobiscum consciit sunt, coram
eruditæ certe refutauit. Vnde cum Paulus sententiam se
mutaturum fuisset pollicitus, iste fidem illi adhibens, &
spem animo concipiens caussam controuersiamque sine
ulla verborum contumelia commode fore compositam,
eam ad tempus distulit, & ita ab illo qui & Deum suum
negasset,

EVSEBII HISTORIAE

negasset, & dominū, & fidem, quam ante habuerat, mini-
me cōseruasset, dolo deceptus fuit. Firmilianus ergo, vt,
pote qui iam de impia eius pr̄iuitate, qua Christum Deū
pernegauerat, satis fecisset periculi, cū esset rursus An-
tiochiam peruenturus, & ad Tarsoꝝ vsque perrexisset,
interea loci, dum nos conueniremus, dum illum acce-
seremus, dum eius expectaremus aduentum, extre-
mum, vitæ diem obiit. Postea in eadem epistola Pauli, vitam,
quomodo instituta fuerit, quo pacto morata, his verbis,
describunt. Quoniam Paulus relicto ecclesiæ Canone,
ad adulterinam depravatamq; doctrinā se transtulit, eius
res gestas, cum sit ecclesiæ fines eiectus, nihil attinet dis-
quirere. Neque quod antea indigentia, & mendicitate,
oppressus, neque quod à parentibus, opum, aut facultatis,
nihil omnino nactus, neq; quod arte, aut instituto aliquo,
quicquā adeptus, iam ad maximam diuinitarū affluentiam,
peruenerit, idque ex nefariis sceleribus, sacrilegiis, &
muneribus, quæ à fratribus iniuria affectis, (quos se ad-
iuturum pollicitus callide ludificatus est) cum flagitādo,
tum eorum animos ad aliquid sibi largiendum impellēdo,
per fraudem extorserat, & ita dum quæstum pietatem,
ducebat, eorum liberalitate, qui litibus implicati tene-
bantur, quique quod ab aduersariorum calumniis libera-
rentur, ad dandum valde erant prop̄i, ne quiter abusus,
est. Neq; cōmemorare opus est, quo pacto se insolenter
extulerit, & secularium honorū gradus sibi assumpserit,
seq; arroganter in iisdem gesserit, & ducenarius potius,
quam episcopus nuncupari voluerit, & per forum volu-
tarit, & modo epistolas legendō, modo quid illis respōsi,
daretur pr̄scribendo, magna satellitum turba, partim
eum antecedentium, partim subsequentium stipatus, su-
perbo gradu palam incesserit: adeo vt propter intolerā-
dum eius fastidium, & nimiā animi elationē fides nostra,
grauem inuidiæ notā, odiumq; permagnū subierit. Neq;
necessum est dicendo persequi illius pr̄stigias in con-
ciliis ecclesiasticis usurpatas, quas falsæ gloriæ umbras,
consectando, & varias ineptiarum species aucupando, &
imperiticrum mentes eo pacto in sui admirationem tra-
ducendo, callide excogitauit: neque qua ratione sedem
& thro-

& thronum sublimem sibi pararit, eumq; non vt Christi
 discipulum deceat, sed vt mundi principes solent, secre-
 tum & separatum habuerit, nomine suo appellari, nemus
 in eo sedens manu percussiter, calcibus aliquando ipsum
 pulsarit, & qui cum eum audirent concessionem, non
 laudibus extollerent, non, vt in theatris fieri solet, se
 agitationibus, quo illi applauderent, in orbem versa-
 rent, non more gladiatorum, & mulierularum, quo
 apud se habent, inconcinne ei acclamarent, & quasi tri-
 pudiis gestirent, sed vt in domo Dei par est, modeste
 moderateque auscultarent, eos grauiter increparit, &
 verbis contumeliosis exceperit: neq; quo modo in ver-
 bi Dei interpretes, qui è vita excessissent, dum in homi-
 nū frequentia palam prædicaret, petulanter & impor-
 tune debacchatus fuerit, & non tanquam episcopus, sed
 tanquam sophista & præstigiator de seipso magnifica-
 verba iactitarit. Porro quid vobis in memoriam reuo-
 cemus, quemadmodum psalmos & cantus qui ad domi-
 ni nostri Iesu Christi honorem decantari solent, tanqua
 recentiores, & à viris recentioris memoria editos ex-
 ploserit, & in media ecclesia, solenni paschatis die, mu-
 lieres, quæ inanæ cantilenas (quas si quispiam audiret,
 plane exhorresceret) in ipsius laudem funderent, para-
 rit? Aut quid vobis exponamus ea blasphemiarum ge-
 nera, quæ episcopos & presbyteros, qui agro & ciuita-
 tes finitimas, incolebant, quo illi blandirentur, in con-
 cionibus suis ad populum habitis, loqui permiserit?
 Nam voluit (vt aliquid iam ante obiter inseramus, quod
 post dicetur apertius: neque id nostris verbis solù cō-
 firmabitur, sed multis & variis locis commentariorum
 ipsius, quos ad vos misimus, & maxime, vbi afferit Chri-
 stum terrenum esse, & humi natum, perspicue ostende-
 tur) filium Dei è cœlo descendisse: sed qui in istum
 Paulum impium ipsorum magistrum cantus recitabant,
 & palā apud populum laudibus efferebant, eum angelum
 dixerunt, è cœlo demissum. Atque ista fieri non prohi-
 buit, sed cum in ipsum impudenter dicebantur, insolens
 & fastidio timidus adfuit. Præterea quid est, cur lite-
 ris prodamus, ascititias illius mulieres (quas οὐ γείσατο)

Anrio-

EVSEBII HISTORIAE

Aficitis mul
eret
Antiōcheni appellant) & mulieres etiam presbytero-
rum, & diaconorum suorum, quorum nō hoc peccatum,
solum, sed alia propē insanabilia, cum eorundem con-
scius esset, exploratēque cognita haberet, callide occul-
tauit, quō illi ita ipsi obserati astrictiōne, dum sibi ipsis
metuebant male, scelerum, quæ ille vel verbo, vel factis,
consciūset, reum agere non aliquando auderent, quin-
etiam ipsos magnopere locupletauit, & propterea apud
illos qui talium rerum cupiditate incendebantur, in ma-
gna gratia & admiratione fuit. Atque ut hoc pro certo
habemus cognitum, fratres in Christo dilecti, non epis-
copum modo, sed sacerdotium etiam vniuersum, po-
pulo omnium bonorum operum & recte factorum ex-
emplar esse debere: sic illud minime ignoramus, permul-
tos ab ista mulierum in suam societatem asciscendarum
ratione, & modo, pietate penitus excidisse: alios autem
venisse in suspicionem flagitii. Quare licet aliquis hoc
daret, eum nihil lasciuia aut petulantia in illas admi-
ssisse, suspicio tamen, quæ ex eiusmodi re oriri solet, se-
duto cauenda fuisset, ne fortasse alicui esset offensioni,
alios autem ad se imitandum impellere potuisset. Quo
pacto enim aliud aut reprehendere poterat, aut admo-
nere, vt deinceps se à mulieris consuetudine abstine-
ret, diligenterque caueret, ne eius illecebris (sicut scri-
ptum est) laberetur in turpitudinem, qui vna repudiata,
duas ætate floentes, & aspectu perliberales ac venustas,
secum habuit? quas si quopiam forte iret, circunduxit,
vna: idque delicias consecundo, quibus cæcam animi
libidinem extra modum explere laborauit. Quibus de-
causis tametsi omnes intra se grauiter lamentati & con-
questi sunt, eius tamen potentiam & quasi tyrannidem,
ita extimuerunt, ut eum accusare omnino non auderent.
Sed ista vitia, ut diximus in homine sensu recto, & fide
catholica imbuto, & vna nobiscum in fideium numero
habito, possent corrigi: & ab illo, qui nefario errore,
Artemonis (quidni enim patrem eius, vnde hæresim suā
hausit, vobis significemus) abductus, mysterium fidei ac
religionis nostræ prodiderit, nefariisque conuiciis af-
fecerit, nō necessum arbitramur illarum rerum rationes,
reponscere:

reponscere: Tandem in ipso calce epistole hæc addunt. Istum igitur tam deo aduersarium, tamque contumacem eramus coacti ecclesia & congregatiōne fidelium indice re excludere que, & alium episcopum, qui huic ecclesiæ catholicæ præfet in eius locum substituere: vnde Donnum, diuina certe, vt putamus, prouidentia designauimus: Demetriani hominis felicis cōmemorationis (quippe qui hanc ecclesiam ante hunc præclare rexisset) filium: omni genere virtutum, quæ episcopum decent, exornatum: Ac vos de eius electione per epistolam, certiores fecimus, vt illi scribatis, & ab eo literas accipiatis communionis. Paulus autem ad Artemonem literas scribat. Etsi qui Artemonis partibus faueant, cum eo deinceps communicent. Atque hæc hoc loco sint à nobis collocata. Vbi Paulus igitur simul cum orthodoxa fide episcopatum amisisset, Donnus, vt dictum est, ministerium ecclesiæ apud Antiochiam suscipit. Verum cum Pausus ex episcopi domo, eius ecclesiæ propria, exire nollet, imperator Aurelianus de ea re rogatus sententiam, sanctissime, quid esset agendum, decreuit. Præcepit enim, vt domus ecclesiæ illis tribueretur, quibus Christiani Italie & urbis Romæ episcopi per literas tribuendam præscriberent. Sic demum Paulus, de quo docuimus, cum summo dedecore secularis imperii ac potestatis auctoritate ab ecclesia penitus extruditur. Quo quidem tempore talem & tam benigne erga nos animatum se Aurelianus declarauit. Verum tempore sui imperii progradientiæ aliena opinione & prope contraria de nobis concepta, quibusdam iam consiliis impulsus fuit, vt persecutionem contra nos cieret. Creber de hac re apud omnes sermo ferebatur. Sed tamen iam iam prope dixerim, Aurelianum, cum literas contra nos compositas, manu subscriberet, diuina vltio subito occupauit: quæ, cum brachiorum commissuris eneruatis, illum ab instituto repressit, tum omnium oculis clare & manifestò spectandum subiecit, quomodo mundi principibus, ne minima quidem data sit facultas aliquid contra Christi ecclesiæ moliendi, nisi præpotens dei manus diuino suo & cœlesti iudicio, temporibus quibus ecclesiam probare decreuerit,

Vide The
od. fol.
331.b. vi-
de eundem
fol. 339. a

EVSEBII HISTORIAE

creuerit, istud discipliæ & castigationis causa, perfici
& expleri permiserit. Cum Aurelianus sex annos impe-
rium gubernasset, succedit Probus. Qui cum totidem an-
nos idem munus obiisset, Carus vna cum filiis Carino
& Numeriano rem publicam capessit. Rursus, hisce non
triennio integro imperii administratione perfunctis,
summa rerum & imperii Diocletiano, & illis, qui post
eum in regendi societatem cum illo asciti erant, delata
fuit. Quorum temporibus grauis contra nos incendeba-
tur persecutio, & eodem momento, violenta ecclesiarum
euersio facta est. Quoniam Paulo ante ubi Dionysius Ro-
mæ, ecclesiæ ministerium nouem annis procurauerat, e-
piscopatu potitur Fœlix.

*De Manichæorum heretica pravitate,
que tum primum incepit.*

CAP. XXV.

Eodem tempore Manes quidam mentis insania ex-
agitatus, (cuius nomen errori dæmoniaco, qui ab eo
oriebatur, non inscite respondit) ipso Satana Dei
aduersario hominem ad multorum perniciem subornan-
te, syncerum rationis iudicium euertere, & tanquam ar-
mis oppugnare laborauit: & sicut vita, oratione, & mori-
bus barbarus, sic natura dæmoniacus, & furiosus fuit: vu-
de his rebus mire conuenientia animo instituens, ipsius
Christi formam ac personam induere conatus est. Inter-
dum autem paracletum, & spiritum sanctum ipse se pre-
dicauit, & ista rabie fuit ac furore nimium inflatus. Inter-
dum ad exemplum Christi duodecim discipulos, consor-
tes suæ nouæ & inauditæ prauitatis delegit. Falsa & im-
pia dogmata ex infinitis erroribus, qui iam olim extincti
fuissent, in unum conferciens, & de Persarum regione
in istas orbis partes transferens, tāquam venenum quod
dam mortiferum apud nos euomuit. Ex quo fonte im-
pium Manichæorum nomen ductum est, & apud multos
adhuc viget.

De